



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1276 Usque Ad Annum 1312

**Fleury, Claude**

**August. Vind. [u.a.], 1766**

**VD18 90118251**

§. 27. Appellatio ad futurum concilium.

---

[urn:nbn:de:hbz:466:1-67012](https://nbn-resolving.org/urn:nbn:de:hbz:466:1-67012)

comparet, & prædia donet, & arces  
construat.

Sæcul. XIV.

A. C. 1303.

## §. XXVII.

*Appellatio ad futurum concilium.*

Cum Guilielmus Plessius hæc accusa-  
tionis capita legisset, affirmavit se  
illam non protulisse ex privato aliquo Bo-  
nifacii odio, sed solum studio fidei ac pie-  
tatis erga Ecclesiam & Sacram Sedem:  
a Rege ac Præsulibus, convocationem  
concilii denuo postulavit: & interea, ut  
a vexationibus Bonifacii salvum se præ-  
staret, appellavit ad futurum concilium,  
& Sedem apostolicam, appellationi actio-  
nique Guilielmi Nogareti adhaerens.  
Tum Rex legi iussit suas appellationis lit-  
teras, quarum hæc erat summa: Post-  
quam audivimus ea, quæ Nogaretus ac  
Plessius proposuerunt, convocandum cen-  
semus concilium, quod adire ipsi & pro-  
viribus procurare volumus, magnopere  
orantes, ut Præsules quoque suam eo  
conferant operam. Interim ab omnibus,  
quas Bonifacius ferre potest, sententiis ad  
concilium appellamus. Præsules itidem  
provocationem formarunt suam eadem  
continentem capita, quibus adjungebant  
se compulsos eo fuisse quodam necessitatis  
genere, ac nolle tanquam partes inter-  
venire. Erant autem numero triginta  
septem;

p. 107.

Sæcul. XIV. septem; quinque Archiepiscopi, nimirum Nicosiæ in Cypro, Remorum, Senonum, Narbonis, Turonumque; unus ac viginti Episcopi; & Abbates Cluniaci, Præmonstratique, ac Cistercii præter octo alios. Hic notari potest Episcoporum & totius Cleri reverentia erga Summam Sedem. Non tantum laicis relinquunt munus accusatorum Papæ, sed ne interponi quidem ut partes volunt, & in convocationem concilii non consentiunt nisi ob necessitatem medendi malis Ecclesiæ.

*Diff. 112.*

Altero die 15 Junii iidem Præsulles per litteras peculiarias triginta duobus sigillis munitas promittebant, si Bonifacius Regem & adhærentes appellationi ejus proscriberet, vel exautoraret, aut subditos a juramento fidelitatis absolveret, fore, ut hac Papæ sententia nequiquam nitentes pro viribus juvarent & tuerentur Regem ac ejus sectatores. Vicissim Rex Præsulibus, Baronibusque, ac reliquis eunctis provocationi suæ adhærentibus tutelam spondit suam contra Bonifacii vexationes. Sed Præsulum cæterorumque Ecclesiasticorum extra regnum comburantium bona temporalia occupari voluit: ac festo S. Joannis die 24 ejusdem mensis Junii suas appellationis litteras coram omni Clero ac populo legicuravit

*p. 113. 115.  
Etc.*

*p. 99.*

*p. 116. 189.*

*Cang. Nang.*

dem mensis Junii suas appellationis litteras coram omni Clero ac populo legicuravit

curavit in horto palatii Parisiensis. Postea Rex ad cunctas Ecclesias & congregationes religiosas & sæculares scripsit, ut insisterent convocationi concilii & provocationi: sic apparet ex litteris, quas edidit diebus Mercurii ac Jovis post festum S. Joannis nempe 26 & 27 Junii. Parisiensis Universitas & Senatus Ecclesie cathedralis suas adhæSIONIS litteras dederant die Veneris ante festum S. Joannis 21 Junii: Fratres quoque Prædicatores Parisini accessere appellationi. Tandem mensibus Augusto ac Septembri plures quam septingentas consensus & adhæSIONIS litteras Regi miserunt Episcopi, Cœtus Ecclesiarum, quas tum cathedrales, tum collegiales vocant, Abbates ac Religiosi variorum Ordinum, etiam Mendicantium, Universitates, Proceres & Collegia urbium.

Cardinalis Moinius ob modicum suæ legationis successum ante diem S. Joannis abiit, Papæ opinione citius reversus Romam. Sed interim, dum Parisiis agebat, ibi hoc anno 1303 in loco, qui tum Carduolus dicebatur, & in ædibus, quas Fratres Mendicantes Ord. S. Aug. incoluerant, pro studiosis Theologiæ condidit collegium, quod etiamnum ab eo nomen habet.

sæcul. XIV.  
A. C. 1303.

to. II. Spicil.  
p. 610.  
Diff. p. 109.  
110.

p. 117. 119.

p. 120. 153.  
p. 111.

Chardonnet

Duboulai  
to. 4. p. 40.

Dubreuil  
Antiq. p. 654

Dubois  
p. 530.

